



Mónica González Pavón, secretària generau deth Conselh Generau d'Aran,

CERTIFIQUI:

Qu'eth Conselh de Govèrn, en session ordinària de 7 de junhsèga de 2025, adoptèt, entre d'auti, er acòrd següent e que transcrit literaument ditz:

"3au.- APROBACION, SE PROCEDÍS, DETH PLEC DE CLAUSULES ADMINSTRATIVES PARTICULARES, DER EXPEDIENT DE CONTRACTACION E DERA LICITACION DETH SERVICI DE REALIZACION D'ESTUDIS PREVIS ENTARA IMPLEMENTACION DE HILATS URBANS DE CALOR DAMB BIOMASSA FORESTAU ENES MUNICIPS D'ARAN (ES BÒRDES, ARRÒS E VILA, BAGERGUE E LES) E REDACCION DETH PROJÈCTE EXECUTIU DER HILAT DE CALOR DAMB BIOMASSA DETH MUNICIPI D'ES BÒRDES [ADMINISTRACION GENERAU DETH MIEI AMBIENT].- (Exp. num. 3085-0002/2025)

Vista era memòria justificativa deth servici deth Mgfc. Conselhèr d'Infrestructures e Òbres ena quau se da compde deth besonh de realizar eth contracte deth servici de *realizacion d'estudis previs entara implementacion de hilats urbans de calor damb biomassa forestau enes municips d'Aran (Es Bòrdes, Arròs e Vila, Bagergue e Les) e redaccion deth projècte executiu der hilat de calor damb biomassa deth municipi d'Es Bòrdes*, pes motius que seguissen:

Eth Conselh Generau d'Aran ei sòci beneficiari deth projècte BoscAran finançat pera Union Europea NextGenerationEU entad exercici 2023 mejançant es subvencions entath supòrt a projèctes transformadors entara promocion dera bioeconomia vinculada ar ambit forestau e era contribucion ara transicion ecologica en marc deth Plan de Recuperacion, Transformacion e Resiliència. Eth projècte BoscAran a coma premissa reactivar era gestion forestau e era transicion energetica verda d'Aran.

Era accion A5 deth projècte nomenat, promò era redaccion d'estudis de hilats de calor en ambit d'Aran, concretament en diuèrsi municipis deth territòri.

Vist eth Decret de Sindicatura num. 0340/2025, de 25 de junh de 2025 en que se demane informe per part dera Secretaria Generau e dera Intervencion de Hons.

Vist er informe favorable de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er òrgan competent entà contractar.

Visti eth Plec de clausules administratives particulars redactat e eth Plec de Prescripcions Tecniques deth servici de *realizacion d'estudis previs entara implementacion de hilats urbans de calor damb biomassa forestau enes municips*





Conselh Generau d'Aran

d'Aran (Es Bòrdes, Arròs e Vila, Bagergue e Les) e redaccion deth projècte executiu der hilat de calor damb biomassa deth municipi d'Es Bòrdes.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament des òbres a contractar ei previst ena aplicacion pressupostària num. 2025/01.170.227.06 deth pressupòst generau vigent entar exercici 2025.

Cossent damb çò que dispausen es articles 17, 25, 28, 116, 117, 118.1, 122, 159 e Disposicion addicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govèrn aprovar eth Plec de clausules administratives particulars, er expedient de contractacion atau coma era licitacion simultanèa des òbres nomentades, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [BOP de Lleida num. 159, de 19 d'agost de 2023 e DOGC num. 8980, de 16 d'agost de 2023].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aguest organ collegiat:

Prumèr.- Aprovar iniciaument eth Plec de clausules administratives particulars e eth Plec de Prescripcions Techniques qu'a de regir era contractacion deth servici de *realizacion d'estudis previs entara implementacion de hilats urbans de calor damb biomassa forestau enes municips d'Aran (Es Bòrdes, Arròs e Vila, Bagergue e Les) e redaccion deth projècte executiu der hilat de calor damb biomassa deth municipi d'Es Bòrdes* plects que s'adjunhen coma annèxe en expedient e que demorarà a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst totau de seishanta mil cinc cents euros (60.500,00 €) IVA includit, damb eth desglossament següent:

- Cinquanta mil euros (50.000,00 €) en concèpte de pressupòst net e,
- Dètz mil cinc cents euros (10.500,00 €), en concèpte d'IVA ath 21%

Eth valor estimat deth contracte ei de 50.000,00 €.

Dusau.- Aprovar er expedient entara contractacion deth servici de *realizacion d'estudis previs entara implementacion de hilats urbans de calor damb biomassa forestau enes municips d'Aran (Es Bòrdes, Arròs e Vila, Bagergue e Les) e redaccion deth projècte executiu der hilat de calor damb biomassa deth municipi d'Es Bòrdes*", mejançant procediment dubèrt simplificat, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.



Conselh Generau d'Aran

Tresau.- Dispausar era dubertura deth procediment dubèrt simplificat de contractacion, en tot procedir ara publicacion der anonci de licitacion en perfil deth contractant, en tot daurir en aguest moment eth tèrme de quinze (15) dies naturaus entara presentacion d'aufèrtes, cossent damb çò que dispausa er article 159.3 LCSP.

Quatau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors. "

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb eth visteplatz dera Sindica.

Vielha, *signat electronicament*

Vist e platz
Era Sindica

Maria Vergés Pérez